



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071

Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

১৮ এপ্রিল ২০০৭

ভারতে মার্কিন রাষ্ট্রদূত ডেভিড সি মালফোর্ডের বিবৃতি

নয়াদিলি-- ভারতে মার্কিন রাষ্ট্রদূত ডেভিড সি মালফোর্ড বুধবার নিম্নলিখিত বিবৃতি প্রকাশ করেছেন।

“ভার্জিনিয়া টেক বিশ্ববিদ্যালয় চত্বরে গত সোমবার ঘটে যাওয়া নারকীয় হত্যাকাণ্ডের ঘটনায় মার্কিন জনগণ শোকাহত। বীভৎস এই ট্রাজেডির পরিপ্রেক্ষিতে বিশ্বের বিভিন্ন প্রান্ত থেকে যে সহানুভূতি ও সহায়তার সাড়া মিলেছে তাতেও আমরা অভিভূত।

সাম্প্রতিক অতীতেও আমরা বার বার দেখেছি, দুনিয়া জুড়ে মানুষকে এক সূত্রে বাঁধার এক আশ্চর্য ক্ষমতা রয়েছে শোকাবহ ঘটনার। এই ট্রাজেডিও আলাদা কিছু নয়। কারণ, এই হত্যালীলা আমাদের সবার মনেই জীবনহানি ও মানবিক সম্ভাবনার নিরিখে গভীর এক শূন্যতার বোধ জাগিয়ে তোলে।

ভারতীয়-মার্কিন অধ্যাপক জি ভি লোগানাথন ও মুম্বইয়ের মিনাল পাঞ্চগল সহ বহু নিরীহ মার্কিন এবং অন্যান্য দেশের নাগরিকের প্রাণহানির ঘটনায় আজ আমরা শোক পালন করছি। বিদেহী ব্যক্তিদের পরিবারের প্রতি আমাদের গভীর সমবেদনা জানাচ্ছি। তাঁদের সাহায্যের জন্য ভারতে মার্কিন দূতাবাস সদা প্রস্তুত। আমাদের উচ্চশিক্ষার আঙিনায় ভারতীয় ছাত্রছাত্রী ও গবেষকদের মর্যাদার আসন রয়েছে।

প্রেসিডেন্ট বুশ গতকাল তাঁর বিবৃতিতে যেন আমাদের মনের কথারই প্রতিধ্বনি করে বলেছেন, “বিদ্যায়তনগুলির হওয়া উচিত শিক্ষার নিরাপদ আশ্রয়।” এই দুঃখবহ ঘটনার প্রতি বিশ্বের আরও লক্ষ লক্ষ মানুষের সঙ্গে শ্রীমতী মালফোর্ড এবং আমিও আজ শোক প্রকাশে সামিল হয়েছি।”
